



Broj: 02-11-321/24-AP-6
Datum: 13.03.2024. godine

Na osnovu člana 88. i 70. Zakona o javnim nabavkama („Službeni glasnik BiH“, broj: 39/14 i 59/22), člana 29. stav 2. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovića“, broj: 1/22 I 6/23) i člana 12. Privremene statutarne Odluke Grada Zavidovići („Službeni glasnik Grada Zavidovići“, broj: 4/22), te preporuke Komisije za javne nabavke, u predmetu odabira najpovoljnije ponude dodjele ugovora o javnoj nabavci radova „Redovno održavanje gradskih i prigradskih ulica u 2024. godini“, Gradonačelnik Zavidovića, donosi

ODLUKU

Član 1.

Prihvata se preporuka Komisije za javne nabavke, te se Ponuda ponuđača „MGV Gradnja“ d.o.o. Zavidovići za javnu nabavku radova „Redovno održavanje gradskih i prigradskih ulica u 2024. godini“, sa ukupnom cijenom od 89.464,00 KM (slovima: osamdesetdevehiljadahiljadačetitotinesdesetčetiri i 00/100 KM) bez uračunatog PDV-a, odnosno 104.672,88 KM (slovima: stotinučetirihiljadetšestotinasedamdesetdvije i 88/100 KM) sa uračunatim PDV-om, prihvata kao **NAJPOVOLJNIJA PONUDA**.

Član 2.

Izabrani ponuđač ima obavezu dostavljanja dokumentacije propisane tenderskom dokumentacijom (u originalu ili ovjerenoj kopiji) u roku od 5 (pet) dana od dana prijema Odluke.

Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 4

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja.

O b r a z l o ž e n j e

Odlukom Gradonačelnika broj 02-11-321/24-AP-2 od 07.02.2024. godine pokrenut je postupak dodjele ugovora za javnu nabavku radova „Redovno održavanje gradskih i prigradskih ulica u 2024. godini“.

Navedeni postupak proveo se putem otvorenog postupka za koji je dana, 08.02.2024. godine upućeno Obavještenje o nabavci, broj 1374-1-3-10-3-34/24, na objavu u Informativni sistem „E-nabavke“.

Na adresu Grada Zavidovići do krajnjeg roka za dostavu ponuda 29.02.2024. godine do 12,00 sati dostavljene su 2 (dvije) ponude i to ponude sljedećih ponuđača po prijemu prispjeća:

1. „MGV Gradnja“ d.o.o. Zavidovići
2. „Porobić“ d.o.o. Zavidovići

Komisija za javne nabavke zaprimila je pristigle ponude, izvršila njihovo otvaranje, te izvršila pregled i ocijenu ponuda prema zahtjevima i kriterijima iz tenderske dokumentacije o čemu je sačinila Zapisnik o otvaranju ponuda broj: 02-11-321/24-AP-2 od 29.02.2024. godine i Zapisnik o ocijeni ponuda, broj: 02-11-321/24 od 07.03.2024. godine.

U postupku javne nabavke utvrđeno je sljedeće: da je ukupno pristiglo 2 (dvije) ponude. Sve ponude su blagovremeno zaprimljene i da su sve ponude formalno ispravne i tehnički zadovoljavajuće.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjelih ponuda, u skladu sa kriterijima iz tenderske dokumentacije.

Nakon provedenog postupka e-aukcije, dana 11.03.2024. godine, Komisija za javne nabavke Grada Zavidovića dostavila je Dopunu zapisnika o pregledu i ocjeni ponuda nakon e-aukcije, broj: 02-11-321/24 od 11.03.2024. godine u kojem je izvršila rangiranje ponuđača kako slijedi :

R/br	Naziv/ime ponuđača	Ponuđena cijena bez PDV-a
1.	„MGV Gradnja“ d.o.o. Zavidovići	89.464,00 KM
2.	„Porobić“ d.o.o. Zavidovići	89.620,00 KM

Ponuda ponuđača „MGV Gradnja“ d.o.o. Zavidovići u postupku javne nabavke radova „Redovno održavanje gradskih i prigradskih ulica u 2024. godini“, sa ukupnom cijenom od 89.464,00 KM (slovima: osamdesetdevethiljadahiljadačetistotinešesdesetčetiri i 00/100 KM) bez uračunatog PDV-a, odnosno 104.672,88 KM (slovima: stotinučetirihiljadetšestotinasedamdesetdvije i 88/100 KM) sa uračunatim PDV-om, te se kao takva prihvata kao najpovoljnija, prema kriteriju za dodjelu ugovora utvrđen kao „najniža cijena“.

Cijeneći pravilnost provedenog postupka dodjele ugovora o javnoj nabavci radova „Redovno održavanje gradskih i prigradskih ulica u 2024. godini“ te datu preporuku od strane Komisije za javne nabavke, odlučeno je kao u dispozitivu ove Odluke.


POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom. Žalba se podnosi u najmanje tri primjerka.

Dostavljeno:

1. Učesnicima u postupku
2. U spis.

Obradila: 
(Sanela Mulahasanović)

Kontrolisao: 
(Midhat Bajramović)



GRADONAČELNIK

doc. dr. Hašim Mujanović 